





Lit: 150.

~~C7033~~

Ud 5240

Biblioteka Jagiellońska



stdr0010443

Bravel. Ad 5240 (A-6)




IN OMNIBUS  
REBUS PISSIMO  
ECIPIS  
III.  
GIS.  
AROVOLSCI  
LITO



ANTVERPÆ.  
EX OFFICINA PLANTINÆ  
BALTHASARIS MORET.  
MDCXXXII



IN OBITVM  
SERENISSIMI PISSIMIQ.  
PRINCIPIS  
SIGISMVNDI III.  
POLONIAE ET SVECIAE  
MAGNI REGIS,  
SIMONIS STAROVOLSCI  
ORATIO.



*Henry  
Doct. Polonicus*

ANTVERPIÆ,  
EX OFFICINA PLANTINIANA  
BALTHASARIS MORETI,  
M. DC. XXXII.



IN OBITVM  
SIGISMVNDI III.  
POLONIAE ET SVECIAE  
MAGNI REGIS

SIMONIS STAROVOLSCI ORATIO.



TSI vniuersum hominum  
genus, eadem mortalitatis  
lege, summus ille rerum om-  
nium Conditor deuinxit,  
ILLVST<sup>MI</sup> PROCERES, at-  
que Equites Sarmatiae No-  
bilissimi; diuersos attamen  
immortalitatis assequendae  
modos, cum vnicuique nostrum dedit, tum iis  
maximè, qui diuinitatis suae vices, regio nomine  
& splendore conspicui, inter homines gerunt.  
Quos ille sanè, vt dignitatis praerogatiua cete-  
ris eminere voluit, sic virtutibus quoque excel-  
lere iussit. Et singulis quidem hominibus, sin-  
gularem aliquam vel iustitiae, vel fortitudinis,  
vel constantiae, aut liberalitatis laudem conce-  
sit; Regibus verò, & qui in exemplum aliorum  
sunt nati, ita cunctas simul virtutes ingessit, vt  
prudens illa antiquitas, diuinitatem quamdam  
in eis admirata, alios ex ipsis Heroas, alios Semo-  
nas, alios Diuos, alios Deorum ipsorum aut fi-  
lios,





lios, aut imperij consortes, ob excellentiam, appellarit. Posteriori verò sæculo, & cum iam Orbis Romam adorasset, qui paullo modestius in suos Principes laudes congesserunt, alios publico Senatus decreto Optimos, alios vulgi assensu Pios, alios discretiorum opinione Magnos, alios adulantium immodicis assentationibus Augustos, alios denique confusis omnium acclamationibus & fauore Patres Patriæ consalutarunt. Idem fecerunt & nostri Sarmatæ, qui, postquam inter alios inclytâ virtute illustres Principes suos, Lescos appellauissent Strenuissimos; Boleslaos, Fortissimos; Ludouicos, Felicissimos; Inuictissimos, Vladislaos; & Casimiros, Magnos; tres quoque Sigismundos, æternitatis laudem pariter affecutos, ob animi indolem diuersam, diuersis cognominibus indigetarunt. Et Primum quidem, ob venerabilem quamdam in procero corpore vultus maiestatem, & stupendam prorsus in cunctis suis actionibus sapientiam **DIVM**, seu **Dijs** proximum, ab obitu appellarunt: quem dum in viuis ageret, tacito quodam inter se assensu **PATREM REGVM** ceterorum vocitabant. Quod nimirum eum sic communissimè, inter reliquos suæ ætatis Principes, prudentissimi illi duo, Occidui atque Orientis Orbis Imperatores, Solimanus Turcarum, & Ferdinandus I. per suos Legatos salutarent. Secundum verò Sigismundum, huius Diui filium, quod in eo omnia ad æternitatem famæ conspirarent, prisco Romanorum more, vix ex pueritiâ enatantem **AV-**

GVSTVM

**GVSTVM** acclamarunt, & patre inspectante atque gaudente, tam carum caput diademate cinxerunt. Tertium denique ex sorore istius nepotem, vel confessione hostium sæculi nostri summum, Fata nobis nuper eripuerunt. Qui, & in bellis gerendis Iagellonis atavi felicitatem, & in tolerandis aduersitatibus proavi Casimiri constantiam & grauitatem, & in administrando Imperio Sigismundi aui sapientiam, & in conciliandis externorum Principum amicitijs, alliciendisque subditorum animis, Sigismundi Augusti auunculi prudentiam, & in aggrediendis conficiendisque difficillimis Reip. negotijs, Stephani Battorei affinis sui fortitudinem affecutus, Magni cognomen ferre viuis debuerat, sed ciues ob incomparabilem pietatem & religionem, modestius extincto **Pij** addiderunt, vt suæ quoque pietatis in eum ac doloris luculentas significationes darent: quod, & ille ipse moribus sanctus, lenis, moderatus, munificus & clemens, à Pontificibus Maximis **PIISSIMVS** epistolis vocitaretur; & quod propagatâ passim sub illo Catholicâ Fide, in eius præconiis potissimum emineat Religionis cura, & Numinis cultus. Verum enimverò, quia talium Principum vita, qui omnibus regijs virtutibus præditi sunt, quò diuturnior est, eò publicè vtilior: hinc sequitur, quod & mors ipsorum nunquam non acerba subditis & immatura videri potest, quamuis longissimè cum eis vixerint; quod & multum commodauerint statui illorum, iisdem

A 3

artibus,



artibus, quibus ipsi floruerunt, ad similem gloriæ cupiditatem eos inflammando, & quod gratam omnibus sui memoriam reliquerint, iucundè amanterque suam ætatem cum eis traducendo. Diuinæ indolis Princeps noster SIGISMVNDVS TERTIVS, qui & auita Poloniæ sceptrâ virtutis æstimatione affecutus, & Sueciæ paternam coronam, ob eiusdem potiùs excellentiam, quàm vel ob iura hereditatis adeptus, sic ea tum manu tum consilio gesserat, quæ æternitatem spirabant, vt non tantùm abundè ad gloriam vixisse, sed cælum etiam ipsum promeruisse videretur. Non absque acerbo gemitu tamen & lacrymis suorum, ex hoc terreno & temporali Regno, ad illud æternum & cæleste abiisse credendus est: vtpote qui non modò regiam suam sobolem, diuum genus, in luctu & dolore perpetuo reliquerit, sed vniuersam patriam nostram, in assiduo mœrore, & præsentissimis periculis. Insultat siquidem, morte illius auditâ, ferox Otthomanus nobis, qui haud ita pridem ab illo, perpetuâ cum ignominia suâ, pacem petere coactus fuerat. Resumit spiritus & pharetram immanis Scythia, toties ad internecionem pænè ab illo deletus. Minatur resarcire sibi damna superbus Moschus, qui totus ab eo conculcatus, bellum, vrbibus & prouincijs datis, redemerat. Exultat perfida Valachia, quæ sibi Principes ab illo imponi ægerrimè patiebatur. Latatur turbida Transilvania, metu, ab obitu illius quem assidue verebatur, soluta. Congratulantur sibi in-

uicem,

uicem impij hæretici, fræno nunc licentiosè per interregnum excusso, quod à Pijssimo Rege legibus erat sibi impositum. Insolescunt improbi ac scelerati omnes, iustitio ob extinctum Principem emortui; & improperant bonis quibusuis, nunc in metu ac tristitiâ sine rectore & protectore existentibus, vt in dies & horas solitis furijs exciendi timeatur passim hostium perfidia, bellique faces semel extinctæ, apertis Ianitoribus accendendæ existimentur. Cecidit enim ille, qui suâ prudentiâ spes omnium nostrum erigere solebat. Exanimatus iacet, qui animosam gentem nostram, ad quæque præclara & honesta, suo exemplo animabat. Vitâ nunc caret ipse, qui tot populorum salutem curabat, inque curam eandem incumbentibus, vitæ subsidia liberalissimè subministrabat. Merito igitur lacrymis omnium Lechitarum oculi madent. Merito vniuersa Sarmatia suspirijs, gemitibus, lamentationibusque circumsonat. Merito non Senatus modò ipse, aut Aulæ ministri squalientes incedunt; sed omnium prouinciarum Magistratus & Nobilitas pullati, omnia mœroris ac tristitiæ insignia ostentant. Et apud Romanos quidem, solum Marcum Antoninum ex omnibus antiquis Imperatoribus Senatus atrâ veste ornatus luxit, vrbisque vniuersa audito mortis nuntio, publico luctu confusa, mœrorem induit. Nostri maiores Boleslaum Chrobrium olim, patrum deinde ætate, Diuum Sigismundum Primum, non secus ac parentes proprios, etiam ex infimâ

plebe,



plebe, anno integro atrati luxere. Nos eorum exemplo nunc Optimum Principem nostrum, Piumq; Patriæ parentem SIGISMVNDVM III. non singultibus tantum ac suspiriis inanibus sordidati deploramus, sed solidis ex virtutibus eius, ingentem laudum struem gratâ commemoratione accumulamus. Eruntque sanè plurimi (vt in publicis miseriis fieri amat) quorum immortales gemitus ad ipsam posteritatis memoriam venturos non dubito. Vt verò præsentem dolorem ex ipsius morte conceptum, aliquo modo in nobis leniamus, & imposita à Fatis onera subeamus fortiores, dabitis mihi veniam, ô Poloni mei, si ex innumerabili copiâ eorum, quæ de tam Magno Rege dici possunt, summa tantum capita, in solatium vestri, modicè attingam: laudesque ipsius, ieiuniûs multò atque exiliûs, quàm virtutum ipsius maiestas requirat, oratione meâ percurram. Cùm notum exploratumque sit vobismetipsis, qui propriûs illum cognouistis, ijs eum supra ceteros mortales virtutibus floruisse, quarum præstantiam non dicam verbis exæquare, sed & assequi cogitatione, quamlibet exercitatissimo homini in dicendo, res sanè difficillima videtur.

Cùm igitur PISSIMVS REX noster SIGISMVNDVS III. omnium heroicarum virtutum copiâ præditus, non minùs pace quàm bello laudatissimus sit; idcirco nos ea, in quibus exaggerandis & amplificandis veteres plurimi erant, ne numeranda quidem in eius præconijs, aut nominanda

nanda in nostrâ oratione censeremus; quòd patriæ claritas nimirum, generis nobilitas, opum affluentia, institutio iuuenilis ætatis, & corporis forma, obscurioris notæ hominibus, aut mediocri conditionis nobilibus, lucem aliquam afferre soleant; non Regibus aut maximis Dynastis, qui eos suâ familiaritate illustrent, & fauore in nouam claritatem attollunt: ipsi verò à suismet virtutibus adeò resplendent, vt hæ dotes in illis, velut minora lumina, à maiore perstricta, fugata penitus & extincta videantur. Ceterum tamen, quia vt nouitas & obscuritas sanguinis, infringit & viles facit animos, in magnâ præsertim fortunâ positorum: ita habet aliquid momenti ad sumendum generosos spiritus, & aggrediendum quæque magna & ardua, posse meminisse maiorum suorum, eorumque exemplis, quasi stimulis quibusdam, ad amplitudinem incitari. Quis autem non videt, quantos ac quales stimulos ad virtutem habuerit SIGISMVNDVS noster, natus patre Ioanne Sueciæ Rege: matre verò Catherinâ, Diui illius Sigismundi I. & Bonæ Sfortiæ, Poloniæ Regum filiâ? Quæ singulæ familiæ, quas non historias orbi dederunt? quæ non exempla posteris reliquerunt? cùm Gustauus Ioannis pater, celebri ac peruetustâ apud suos familiâ, expulso ob tyrannidem Christierno, Daniæ & Sueciæ Rege, omnium conciuuium suorum vocibus PATRIÆ LIBERATOR salutatus esset, sceptrisque Regni donatus ob meritum, posteris etiam suis hereditatem, rebus præclare gestis,



conciliaffet: Iagellonia verò domus, per ducen-  
tos & amplius annos, Sarmatiæ populis feliciter  
imperasset: Sfortiorum denique propago, maxi-  
mè Italiæ decus, egregiis suis facinoribus exor-  
nasset. Verumtamen quia non sufficit claris or-  
tum esse maioribus, nisi quoque præclare ab iis  
institutus quis atque educatus sit: quandoqui-  
dem mollis educatio, & qualis in Principum  
aulis fieri amat, eneruet animos iuventutis ad  
magna surgentes, & quasi sopiat assiduis volu-  
ptatum blanditiis regios spiritus. Iam autem  
qualis cuique contigerit teneræ ætatis educatio,  
in quâ, tamquam in flore futuræ virtutis, fruges  
apparere solent, quis non diligentius animad-  
uertendum putet? SIGISMVNDVS itaque no-  
ster, quamvis varias inter hæreses suorum natus,  
à sanctissimâ tamen feminâ matre Reginâ, more  
Catholico baptizatus, & à puero sic institutus  
fuit, vt nihil totâ illâ ætatulâ haberet ante ocu-  
los, præterquam cultum Religionis; nulli rei  
studeret, præterquam bonis moribus; nihil pete-  
ret, præterquam decus & honestatem: quare &  
adolefcentiam suam ita transegit, vt directum  
veræ laudis iter ingressus; nullum vel minimæ  
vestigium labis impresserit; vsusque præcepto-  
ribus, quos auunculus Poloniæ Rex, Sigismun-  
dus Augustus summisserat, linguas, Latinam, Ita-  
licam, Germanicam, Polonicam, & politiores  
litteras felicissimè didicerit: et in illâ ætate,  
quæ nihil cogitare, nihil loqui, nisi leue ac lu-  
dicrum solet, inusitatæ cuiusdam grauitatis &  
inau-

inauditæ prudentiæ significationes, omnium  
cum admiratione dederit; magnoque in aduer-  
sis rebus patri solatio, in secundis, vsui & volu-  
ptati fuerit: vt eum pater, optimus ac sapientis-  
simus Rex, cunctis deliberationibus publicis,  
vix è pueritiâ egressum adhiberet; atque eo præ-  
sente, de bello, de pace, de tributis, vectigalibus,  
legationibus, aliisque maximi momenti nego-  
tiis decerneret, & suorum Consiliariorum sen-  
tentias disquireret. Cùm itaque virtus non ex-  
spectet in eis annos, quos mundi Moderator, ma-  
gnis ac nobilibus populis rectores destinavit; in illâ  
regiæ prudentiæ officinâ educatus, tantam sibi in  
illo iuuenilis ætatis flore cognitionem eorum quæ  
ad populos gubernandos pertinent, breui tempo-  
re comparauit, tamque optimè illis curis, sine qui-  
bus regia dignitas sustineri non potest, patre ipso  
edocente assuevit: vt cùm, inclyto illo Principe  
Stephano Battoreo, affini suo, rebus humanis ex-  
empto, Poloniæ Ordines de subrogando Rege de-  
liberarent, & vt in liberâ electione solet, diuersæ  
factiones, diuersos Candidatos, ad sceptra viduata  
promouerent; essentque complures etiam non ex-  
petiti partium studiis Competitores (quos inter, si  
Diis placet, Cham Tauricanus, & Theodorus  
Moscorum Princeps, fuere; quorum ille, ridendis  
atque pudendis conditionibus, iste verò magnis  
pollicitationibus, vicinum Regnum ambiebat:  
nam qui ad electionem conuenerant, Piastrum alij,  
seu è nobilitate Polonicâ quempiam, alij è Battoreâ  
stirpe aliquem creandum Regem suadebant; alij



Maximilianum Archiducem ceteris omnibus præferebant; non deerant etiam qui & Alexandro Farnesio, Parmæ & Placentiæ Duci, ob summæ virtutis opinionem, & rerum gestarum celebritatem immortalis, cum ipsius gloriâ suffragia deferrent) potissima tamen pars Senatus & Nobilitatis, regnum illi offerret: non tam propter generis claritudinem, aut iuris alicuius prætensionem, quod eum videlicet maternæ stirpis origo è Poloniæ Regibus deducta commendaret, quàm propter singularem quamdam in adolescentiâ adhuc tractandarum rerum scientiam, quâ exercitatissimos etiam senes superabat, ut diuinam potius quàm humanam indolem habere videretur. Post multas itaque contentiones duarum factionum, quarum vna Maximilianum Austriacum, altera Sigismundum nostrum elegerat, ad arma, utroque Regnum sibi vindicante, & mox ad prælium res deuenit. Quo inferior Maximilianus, quia non erat in Fatis eum Sarmatiæ regnare, iuri suo renuntiavit, & Sigismundo nostro, viginti unius tum annorum iuueni, liberam Regni possessionem reliquit. Qui quidem mirabili applausu omnium, Cracouiam Poloniæ metropolim ingressus, & die vigesimâ septimâ Decembris, anni supra millesimum quingentesimum octuagesimi octauum, ritu solemni inauguratus, non patrio, sed comitiorum iure obtinuit sceptrum: Dijsque melioribus adgubernantibus, quatuor & quadraginta illustribus victorijs gentem nostram nobilitauit; & cum totidem ferè annos regnasset, eam semper

per Reip. operam nauauit, ut nihil, quod aut à fortissimo Rege, aut ab optimo Principe desiderari posset, prætermiserit. Sciebant hostes vicini, non inultum lædi posse, non despici Polonum. Non ignorabat Byzantij Tyrannus, Sigismundum sedere in Aquilone veluti fortunæ ceterorum Regum arbitrum. Extimebat illius virtutem ferox Getes, atque perfidus Dacus & Hunnus. Suam pacem ex illo pendere intelligebat Moschus. Reueriebantur assidue tam potentem vicinum Germaniæ Principes. Experti sunt illius fortitudinem, & nec suo sanguini parcen-tem viderunt, qui iura Regni & insignia usurparunt sibi, Sudermaniæ Duces. Cum enim certum ac exploratum sit, quantumuis egregiam in Rege virtutem, nisi fortitudinis opinio accedat, posse contemni; SIGISMVNDVS noster, omni propemodum ex parte ferocissimis gentibus cinctum se esse videns, experimentum potentiae suæ coronatus cepit, non voluptatibus, aut ad- suetæ dignitatis superbiâ, sed liberalissimâ pietate, iustitiâ, prudentiâ, fortitudine, industriâ militari. Et non duces modò bellorum sibi eiusmodi delegit, qui hostium temeritatem consilio, furorem fortitudine, audaciam verò virtute superarent; verum etiam milites statim eiusmodi scripsit, qui annos non plus ex factis quàm stipendiis suis numerarent. Cum quibus deinde, bis in Liuoniam, bis in Moscouiam, bisque in Prussiam diuersis temporibus progressus, omnes boni Imperatoris numeros impleuit, & exultan-



tem hostium audaciam compressit. Maximè autem ad Smolenscum, difficillimà illà oppugnatione, quam orbis vniuersus inspectabat, per varia castrorum ferebatur, nunc militibus, nunc præfectis spem & animum, fronte, verbis, habituque sufficiens. Et munitissimo illo Moscorum propugnaculo expugnato, facile vniuersà Seueriensi ditione potitus, tam longè lateque nominis memoriam propagauit, vt nullus fuerit locus tam agrestis, nulla regio tam inculta, ad quam tantæ victoriæ fama non peruenerit. Quid dicam de bellis, quæ per suos legatos gessit? quid de victoriis, quæ eius auspiciis, à diuersis Ducibus, diuersis in locis fuerunt obtentæ? Et vt à Ioanne Zamoscio Regni Poloniae exercituum Imperatore laudatissimo ordiar, qui, gloriosissimo illo Rege, Stephano Battoreo, ad Superos translato, interregni tempore publicæ quietis custos, Archiducem Maximilianum, factiosorum molitione, ad sceptrum Poloniae adspirantem, auspiciis SIGISMVNDI nostri à potiori parte Ordinum electi, & à Stanislao Carnouio Archiepiscopo Gnesnensi Primate Regni & Prorege, ritu solemni ad Varsouiam nominati, primum ad metropolim Poloniae urbem Cracouiam feliciter profligauit: deinde reparantem vires in Silesiâ, cæsum acie ad Biciniam, in suam potestatem redegit. Et paucos deinde post menses in Moldauiam missus, famosissimum illum bellatorem, Michaëlem Valachiae Regulum vno prælio victum, vniuersà Daciâ expulit. Tandem sequen-

tibus

SIMONIS STAROVOLSCI ORATIO. 15

tibus annis, Kazigereum Tauricanorum Scytharum Chanum, cum omnium Petihorensium, Circassiorum Nohaiscensium, Zauolgensiumque Tartarorum potentiâ venientem, in campis Czechoræ repressit, & pacem petere adegit. Idē, Carolum Sudermaniae Principem (qui gentium iure peruerso ad se regnum Sueciae trahebat, & Gubernator à SIGISMVNDO REGE creatus, coronam sibi anno Æræ Christianæ M. DC. IV. imposuit) Liuaniae prouincias armis occupantem, cum alibi sæpius acie fudit, tum Bialokamienio fortissimè expugnato, victum trans mare pepulit. Quem etiam paulò antè Nicolaus Radiuilus, Lituanæ militiæ supremus Præfectus, ad Gauiam fluuium primò, deinde ad Coquehusam ciuitatem, strenuè profligauerat, munitionemque ipsam quamuis validissimam, paucos intra dies expugnauerat. Atque ita his victoriis SIGISMVNDVS noster clarus, exiguo post interuallo, Simeonem Valachiae, atque Ieremiam Moldauiae, fauentes Poloniae Regulos, Principatibus ob id suis à Turcarum Tyranno spoliatos, per Ioannem Potocium virum bellicosissimum restituit; fugatoque oræ illius turbatore Moyse Zeclo- rum, Rozuanum quoque multis millibus Transiluanici equitatus potentem, non modò acie vicit, verum etiam capitis supplicio affecit. Omitto hinc triumphos, per Constantinum Ostrogium, Palatinum Kiouiensē, de barbaris, ad Dubnam & Caniouiam cæsis, feliciter reportatos. Omitto victoriam de iisdem barbaris, per

Valen-



Valentinum Calinouium partam; itemque trophæa à Ioanne Duce Zbarauio, ex pugna Zaslauienſi reportata. Venio ad virum clariffimum Staniflaum Zolkieuium, qui per omnes militiæ gradus priſco more procedens, ſummus demum Imperator & Cancellarius Poloniæ à ſapientiſſimo Rege noſtro SIGISMVNDI creatus, intacta olim Romanis legionibus Moſcorum regna, vel vno prælio in campis Cluſſinenſibus ita debellauit, vt cæſis in acie multis millibus Ruthenorum, captiſque Germanorum, Gallorum, Anglorum, Scotorum, aliarumque è tranſmarinis partibus conductarum gentium, integris aliquot legionibus, cum ſuo duce Comite de Pontibus, natione Sueco (qui ter bello captus à noſtratibus, ſemper Clementiâ SIGISMVNDI Regis noſtri, incolumis dimiſſus fuit) facile deinde & ipſum Moſcouiæ Principem, Ioannem Suifcium, cum toto ferè ſuo Senatu, & religionis Patriarchâ, Varſouiam in triumphum duxit, & urbem Moſcuam Imperij ſedem, in Regis SIGISMVNDI poteſtatem accepit. Cumque ſe Moſchi annis ſequentibus, reſcriptis vltimis viribus ſuis, in libertatem aſſeruiſſent, & excuſſo iugo nouum ſibi Principem, præter Vladiflaum SIGISMVNDI noſtri filium, cui ſeſe ſacramento obſtrinxerant, è medio ſui elegiſſent, mox reſcruit inter vtramque gentem atrociffimum bellum. Et Schiſmatici, iuſſu regio, per Ioannem Sapieham primùm apud Troiczam, ad octodecem millia cæſi: deinde per Alexandrum Gonſieuum,

ſieuum, Poczopouiam inter & Ruſſam proſſigati: tandem prope Smolenſcum, quod fruſtrâ recuperare conabantur, à Nicolao Kiſzka Palatino Polocenſi victi, ſex millia ſuorum in acie reliquerunt. Repulſique ad extremum ingenti cum ſuo damno, à triennali obſidione Smolenſci, per inclytum illum Heroëm Carolum Chodkieuicium: à quo etiam ad Mozaifcum, paucos poſt menſes, cladem ſœdiſſimam reportarunt. Qui idem Heros bellis Liuonicis illuſtris, partis de Sueco toties vires ſuas recolligente, apud Volmariam, Pernauiam, Rigam, Derpatum, Dunamundam, Vendam & Kircholmiam, celeberrimis victorijs, nomen Sarmaticum per Europam nobilitauit. Et nec terrâ ſolùm hoſtibus patriæ, ſed mari etiam ingenti ſuo ſpiritu terrorem incuſſit, cum naues Suedicas haud longè à Pernauia expugnaffet & incendiſſet: ipſe contra nullo prælio, & nec vnâ velitatione à Sudermano toto illo bello attritus. Pari felicitate idem ille comitatus eſt Sereniſſimum Principem VLADISLAVM, in Moſcouiam primùm; vbi domitis hoſtibus, terræ nobis & gentes ceſſerunt olim Moſcho regnatæ; Ducatumque Seuerienſem, & Czerniehouienſe Territorium, ita Poloniæ Regno adiunximus, vt nulla fidelior deinceps Prouincia nobis extiterit: deinde in Valachiam, contra Oſmanum Turcarum Imp. cum totâ ſuâ potentiâ venientem; vbi intra pauciſſimos dies proſſigatum eſt bellum, longiori mole attriturum mutuas opes, niſi prior Tyrannus



nus pacem à nobis expetiisset. O felicem tum SIGISMVNDVM nostrum! qui paucis septimanis belluam illam ferocem conculcavit, quæ tot ætatibus iam Christianorum sanguinem bibere assuevit, quæ tot Regnorum cadaueribus vsque hætenus non exsatiatur; quæ quamcumque terram vngulâ equi sui tangit, eam extemplò aut sui iuris facit, aut ita proterit, vt ad pristinum suum florem nusquam redire valeat. Meminimus igitur omnes, inclyto Principe VLADISLAO ad bellum illud in Valachiam profecto, quæ totâ Poloniâ fuerit trepidatio, quæ sollicitudo Catholicorum Principum benè rei Christianæ aut genti nostræ apprecantium, qui pavor vicinorum populorum, euentum huius giganteæ monomachiae expectantium; cum SIGISMVNDVS etiam ipse, totâ Nobilitate euocatâ, armatus in Russiam processisset, suppetias laturus filio charissimo, si in Fatis aliter cecidisset. Cuius aduentu hostes audito, ita subito perterrefacti sunt, vt mox pacem à nostris Ducibus exoptarent, qui antea omnium Christianorum vires despicere soliti erant: stolidumque illum ac furem Dominum suum, qui se die eadem, quâ Caracas Bassa cum subsidiariis copiis ad eum venerat, in castris nostris coenaturum superbè edixerat, cedere tempori, cedere fortunæ inuictissimi Regis nostri iusserunt; cum iactabundus ille purpuratus, die sequenti quâ venerat, cum aliis suis collegis in primâ statim acie cecidisset. Tu, tu igitur, ô SIGISMVNDE, hanc nobis

nobis faustitatem peperisti, vt liberi adhuc à Turcico iugo viuamus: tu minitantem excidium patriæ nostræ barbarum, longè à finibus eius reiecisti: tu flammam atque ferrum, tu cædem, incendia, rapinas, libidinem, non à Sarmatarum modò tuorum, sed à reliquorum etiam Christianorum vitâ, tectis, fortunis, corporibus arcuisti: tu à templis sacrilegia, ab oppidis direptionem, ab agris vastitatem depulisti: tu vt subditos incolumes haberes, filium dilectissimum hostium immanitati opposuisti; vtq; veram Religionem, cuius semper eximius cultor fuisti, à foedissimis Mahometi sectatoribus vindicares, contra Crucis inimicos, ipse cum exercitu intrepidus processisti: & vel solus orbi Christiano declarasti, posse barbaros vinci, & Turcas debellari; si modò Magnus ille Deus Pacis, & non dissensionis, Principibus Catholicis concordiam inspirare velit. Sed vt sereni temporis amoenitas, & leniter spirantium ventorum flatus, minùs hilararent animos nauigantium, nisi eos sæuæ tempestatis horror perculisset, furentisq; maris rigor & asperitas antecessisset: ita minùs Poloni victoriarum Regis nostri iucunditatem ac felicitatem sentiremus, nisi eam cum superiorum temporum tristicia & acerbitate compararemus. Quâ, durum profectò fuerat videre, tam multa Podoliæ oppida à Tartaris Præcopensibus direpta, tam multa incensa, tam multas Russiæ regiones vastatas, abductaque in seruitutem tam multa hominum nostrorum millia. Quibus sanè malis



vt mederetur Rex noster sapientissimus, misso cum exercitu viro fortissimo Stanislao Coniecpolscio, ad Satanouiam primò excurrentes barbaros cecidit: deinde sequentibus annis apud Dunaigrodum palantes profligauit; post apud Martinouiam insigni de iisdem victoriâ potitus est, multis millibus liberatis, qui in æternam seruitutem ducebantur. Per Stephanum verò Chmielecium, immortalis memoriæ virum, ita immanes eorum exercitus, ad Tarnopoliam, ad Bialocerquam, atque demum ad Burstinum annis paulò superioribus deleuit, duces cecidit, captiuus ergastula repleuit; vt vasta illa Scythia, vix paucos nunc habitatores, ne dicam bellatores, numerare apud se queat. At dum his grauibz atque atrocibus cum gente Musulmanâ bellis SIGISMVNDVS noster, pro re Christianâ, occupatur; Gustauus Rex iuuenis, & in gloriâ cupiditate immodicus, paternam perfidiam æmulatus, fratrem à tergo armatus inuasit; præcipuasque Liuoniæ vrbes, proditione hæreticorum, occupauit: quamuis non impunè, Diis ipsis fortunam Piissimi Regis nostri promouentibus, attamen dedit materiem augendæ Polonorum gloriæ, & triumphorum SIGISMVNDI numerum adauxit. A Christophoro enim Radiuillo, militiæ Lituanæ Magistro, cum pluries velitationibus diuersis in locis superatus, tum in Curlandiâ ad Nitaiam atrocissimè cæsus, urbem occupatam deferere debuit: à Nicolao Kiszka, eius Legato, ad Dunam fluuium profligatus, turpissimè fugit;

fugit; ab Alexandro Gonsieuius ad Bauscum cæsus, quas possederat arces, præsidiis amissis reliquit. Parique dolo pacem cum Leone Sapiehâ, supremo copiarum Lithuaniae Præfecto, pepigit, quâ insolentiâ bellum mouit; scriptis primò, ante menses aliquot, cum supradicto Duce Radiuillo induciis, cum ab illo inclusus exitum in Sueciam, & ad mare, non reperiret. Nouo itaque bello experiri fortunam cupiens, in Prussiam, vocatus ab hæreticis Elbingensibus, inopinatò irrupit, loca opportuniore inuadit, & omnia cædibus & sanguine permiscet. Sed & hîc vbique Nemesis diuinâ persequente, quæ etsi improbos quosuis condignis poenis afficit, tum fidei datæ violatores præcipuè torquet, quòd fraude circumueniant innocuos & pios. Quare ad Neringam primùm, violatæ pacis Rex hæreticus pænas luit, globo sclopetario percussus, & militem audacissimum in eâ oppugnatione amisit: ad Derfauiam deinde letaliter bombardâ vulneratus, serò nimis didicit, fas & iustum non esse temerè violandum. *Nemo enim crimen in pectore gestat*, inquit Magnus Lipsius, *qui non idem Nemesis in tergo*. Igitur à Stanislao Coniecpolscio, eiusque Tribunis, diuersis in locis cæsus, multa suorum hominum millia stolidè amisit, ad Amerstinum videlicet, ad Puckum, ad Nouomlinum, ad Neistadium, Scarisouiam, Marieuedram, Torunium, Ornetam, Olstiniam & Stumam; vbi nunc, heu! passim hæreticorum insolentiâ truncas vrbes excisis Numinum tholis aspicias. Quæ deinde belli fortuna,



na, & quàm varij sub breuissimo tempore casus secuti fuerint, dum SIGISMVNDVS noster ipse in Prussiam aduenisset, nolo hîc commemorare, ô Poloni mei, cùm vnicuique vestrûm manifestum sit, SIGISMVNDVM non fuisse fraterni sanguinis cupitorem; vt qui in Sueciam quoque olim bis nauigans, non acrior sceptri vindex fuit, quàm salutis ciuium suorum. Vnde & Carolum patrum suâ clementiâ nimium abutentem, patienter tolerauit, & contra Gustauum eius filium, eadem benignitate vsus, quo non minùs pace quàm bello se præstare ostenderet; sexennalibusq; induciis pactis, post horridas quadriennij tempestates, Iani ferrea, clausit limina, & quietem publicam, optataque cum transmarinis populis commercia Borussis restituit. Taceo hîc Cosachorum Zaporosensium continuas terrâ marique, regnante SIGISMVNDO nostro, victorias: cuius illi iussu, & per amplissimas Moschi ditiones victricia signa circumtulerunt; & Scythiâ vastitatem peragratî, ingentem vim armentorum inde, cæsis sæpius barbaris, abegerunt; & Tauricam Chersonesum multoties, perterruerunt, Crimensibus atque Præcopensibus agris depopulatis: & Valachiâ, Moldauîâ atque Bessarabiâ incolas, bellis grauiissimis diuexarunt; & in Euxino demum piraticam exercentes, Bursiam, Nicopolim, Trapezuntum, Caffam, multaque alia Europæ atque Asiæ præstantissima emporia diripuerunt, vicinasque Constantinopolis ditiones igni & ferro

ro frequentius depopulati sunt. Quinimò, vt sunt alternæ bellorum vices, capti interdum ab hostibus in præliis, & ad triremes condemnati, sæpissimè sese ausu ingenti, Turcis occisis, in libertatem vindicarunt; optimisque spoliis onusti ad portus Regis Catholici, aut Venetorum, cum triremibus barbarorum appulerunt. Testis eorum virtutis & fortitudinis Candia, quæ eos his propè elapsis annis, aliquoties iam ad se confugientes recepit. Testis Melita, quæ bonam partem militum ex iis conscriptam habet. Testis Sicilia & Neapolis, quarum Proreges, toties triremibus Turcicis ab illis donati fuerunt. Testis deniq; ipsa vrbs Roma, ac in eâ Pontifex Maximus VRBANVS VIII. qui reuertentes è captiuitate barbarorum, paterno eos affectu sæpius excepit, com metu & pecuniis prouidit, eorumque præcipuos in numerum Equitum S. PETRI transcripsit, (Ioannem præsertim Sulimam, & Marcum Iachimouium, egregiæ fortitudinis viros) magnificentissimisque muneribus & honoribus exornatos, in Poloniam dimisit. Taceo hîc & Lissouianos Cosachos, nuperrimis bellis Moschouiticis, suam originem & incrementum, auctore Alexandro Lissouio nactos, qui iussu SIGISMVNDI, vniuersas Magni Ducis Moschouîæ oras & prouincias depopulati sunt: ita vt nec Astrachanum, ad Hyrcanum mare positum, nec Album lacum, Zolotaiamque Babam, versus Riphæos montes sitam, intactam reliquerint; ipsi verò prædâ onusti, infracti & incolumes in patriam



triam redierint, cū SIGISMVNDVS pacem Schismaticis dedisset, verius bello lassatis, quā odiaponentibus. Idem Cosachi contra Turcas in Moldauiam, duce Rogauio, progressi, strenuē sese atq; amanter, pro Religione, nominisq; Sarmatici gloriā, in acie gesserunt; tempore quo Stanislaus Zolkieuius, Deciorum exemplo, pro patriā deuotus ad Czechoram occubuisset. Indeque reuersi, anno eodem bellum in Hungariam, pro Serenissimo atque Inuictissimo Imperatore FERDINANDO II. (quem Deus Opt. Max. faciat de hostibus suis triumphatorem) iubente SIGISMVNDO transtulerunt. Et occisis apud Humennam septem millibus & quadringentis, de exercitu Gabrielis Betlehemij, totaque ferē Transiluanicā Nobilitate apud Michaloueciam ad deditionem coactā, ipsum Betlehemium ab obsidione Viennæ ex Austriā reuocarunt: atque vniuersas illius in Hungariā ditiones, Cassouiam vsque, ferro & igni peruastarunt. Iam verò Carpatijs Alpibus superatis, Deus bone! quas clades in rebellibus Cæsari non ediderunt? quas prouincias Germaniæ non percurrerunt? quas copias hæreticorum non profligarunt, in Silesiā, in Moraviā, in Bohemiā, in Austriā, & in Palatinatu Rheni? Præcipuas autem victorias obtinuerunt, apud Cremsam, apud Hornam, apud Labam, Tirnauiam, Neistadium, Slauinam, Glacium, Prohaciciam, Habelsuerdam & Stracznicam, apertā semper acie cum hostibus dimicando. Sed ad hanc vltimam ciuitatem præcipuē maximis

maximis viribus certatum est; vbi profligatis quindecim millibus Hungarorum, octo & viginti Betlehemij signa Sacratissimo Imperatori Viennam miserunt. Inque illā toto orbe celeberrimā Pragensi pugnā, pars potissima victoriæ fuerunt: siquidem soli propemodum, cunctas Hungarorum hastatas phalanges in fugam vertunt, & duo supra quinquaginta hostilia signa, inter quæ, ipsius Friderici aquilam, Cæsareo exercituum Præfecto, Comiti Bucquoio, atque Serenissimo Duci Bauariæ, cum ceterā prædā obtulerunt. Taceo quæ pro Demetrio restituendo nostri homines in Moscouiā gesserunt, Stanislaus Zaporoscius, Romanus Rozinius, Alexander Zborouius, Ioannes Sapieha, Constantinus Visniouecius, Alexander Ruccius, alijque fortissimi copiarum nostrarum ductores; maxime ad Putiuliam, Calugam, Iaroslauiam, & Rilscum, vbi centum millibus hominum Ioannem Hodunium armatum, vnā acie profligarunt. Atque ad Cromam deinceps, octuaginta millibus equitum potentem Petrum Bosmanium, in fugam turpissimam coniecerunt. Cumque Demetrius ipse, Fato atroci à ciuibz suis interemptus, periisset; pro eius vxore Marinā, Georgij Mniscij Palatini Sendomiriensis filiā, contra quosuis Monarchiæ illius occupatores, diuersis in præliis fortissimè sese opposuerunt. Taceo & Samuelis Corecij, inter Roxolaniæ Dynastas bellicā virtute Ducis præcipui, tredecem illustres de barbaris obtentas in Valachiā victorias: quod is nimirum sumptu



sumptu priuato bellum illud gesserit, iniussuque Regio, Alexandrum Tomssam, oræ illius regulum, eiecerit; postq; tot insignes triumphos, insolentis fortunæ ludibrio, ipse demum Constantinopoli triumphatus fuerit, vbi & vitæ finem fecit, nutu Tyranni in carcere strangulatus. Taceo denique toties graui prælio compestitam Zaporosensium rebellionem, ciuilibque tumultus vesana arma, vbi multis magnitudine criminum à spe veniæ exclusis, strenuè aut mori aut vincere placebat, cum tamen contra omnium spem SIGISMVNDVS superior extitisset: & licet res suas in anxio sitas ante prælium videret, Deorum munere victor factus, eorum se nihilominus bonitati assimilare studuit, & regnum clementiâ potius retinere maluit, quàm vti obstinatâ defensione maiestatis. Cumque illi, qui seditionis capita fuerunt, de sæculi genio quererentur, qui eâ tempestate populi mentem, in toto ferè Orbe, auertisset in tumultus (anno siquidem eodem supra millesimum sexcentesimo sexto, & in Turciâ Bassa Alepiensis arma aduersus Sultanum suum mouerat, & in Persiâ in mutuum exitium dissidere ciues à suo Rege Xaabba: Moscouitæ tunc Principem suum Demetrium occiderant; Veneti contra PAVLVM V. Pontificem Max. insurrexerant; in Germaniâ Brunsvicenses contra Ducem suum Henricum Iulium nefarium bellum mouerant; Donauerdani contra Imperatorem rebellionem, & Hispani contra Regem suum in Belgio variis in locis seditionem moliti sunt: in Galliâ inter Ducem

Ducem Bullionium & Regem, ingentes motus extitere: in Angliâ plusquam Catilinaria conspiratio facta erat: in Hungariâ denique atque Transilvaniâ Botscaius cum suis omnia turbabat) à SIGISMVNDO Rege facile veniam impetrarunt: reliqui autem, inquietudine rerum nouarum, ipsi se ad reuerentiam maiestatis à seditione receperunt. Atque ita passim domi atque foris hostibus ab illo profligatis, alij virtutem eius amauerunt, alij timuerunt felicitatem, omnes verò inuictum animi robur & constantiam admirati sunt. Verum hæc bellorum sunt, ac Martis strepitus: quid illa pacis studia? Fuitne alius Rex Poloniae vllus amantior concordiae, aut diligentior publicæ quietis fundator? qui sciens maximū ad potentiam comparandam stabilimentum esse, contractam cum potentioribus Regibus affinitatem, & cum vicinis populis obseruatam inuiolabiliter foederum sanctitatem, ita vtroque præstare studuit, vt & foederibus iunctos prior non offenderet, & contra barbaros non nisi laceffitus arma sumeret: & Christianorum Principum, etiam remotè positorum, amicitiam vltro ipse coleret; vel ab Attico Oratore edoctus, *præcipuum Principis munus esse, amicos parare*, vtpote quibus nullum firmitus Imperij instrumentum est. Igitur Augustissimam Austriacam domum affinitate sibi deuincire cupiens, ANNAM primò Archiducis CAROLI filiam, FERDINANDI II. Cæsaris feliciter regnantis sororem, in vxorem duxit: cui satis haud dixerim plus ornamenti pudor mulie-



bris dederit, an pietas, an digna fortiori sexu prudentia. Hæc etenim in Sueciam maritum comitata, non superbiâ, non fastu, feros illos homines, & à Catholicâ religione alienos offendit; sed humanitate, modestiâ, atque munificentâ regali, ita omnes sibi deuinxerat, vt inter suæ felicitatis titulos numerarent, si in tantæ Principis aulâ liceret suis filiabus ad virtutem erudiri. Nam quod de Pompeiâ Plotinâ, Traiani Imperatoris vxore, sanctissimâ Plinio dictâ, ferunt, eam à populo Romano ductam in palatium, quod Imperatores inhabitabant, postquam maritus à legionibus Germanicis, Neruâ antecessore sic iubente, Imperator esset salutatus, ex gradibus, vnde ab omnibus conspici exaudiri que posset, ad populum circumfufum conuersam dixisse: *Talis huc ingredior, qualem etiam egredi opto.* hoc Regina nostra meritò de se dicere poterat, quæ diademate Regni illius sumpto, per totum tempus quo in Sueciâ mansit, imò quoad vixit in Imperio Sarmatiæ, ita se gessit, vt de eâ nullus tam ex Suecis, quàm ex Polonis, conqueri potuerit. Quæ, postquam exiuit mortalitatis sensus, relicto vnico filio SIGISMVNDO VLADISLAVO, qui fauentibus Diis anteiuertit indole ciuium vota, SIGISMVNDVS REX noster, ne viduitate suâ tam vtilem Sarmatiæ populis Austriacorum affinitatem deferere videretur, defunctæ vxoris sororem CONSTANTIAM, cum naturæ tum animi ornamentis excultam Heroinam, ac matronalis verecundiæ custodem fidelissimam, matrimonio

nio sibi iunxit: ex quæ eâ liberos, quos Superi volunt in columnes, quinque, raro fecunditatis exemplo, sustulit, IOANNEM CASIMIRVM, IOANNEM ALBERTVM, CAROLVM FERDINANDVM, ALEXANDRVN CAROLVM, lectissimos Principes, & ANNAM CATHARI NAM, inter rara pulchritudinis & morum exempla, vnicam filiam. Qui anno superiore piissimâ Parente orbat, deflent nunc cum totâ Poloniâ obitum desideratissimi Patris atque sanctissimi Regis. Nec sanè immeritò: nam quid sanctius potest esse Principe iusto, clemente, & benefico? quid optabilius Rege sapienti & probò? quid præstantius pio & religioso; si exemplo, si legibus emendabit sæculum, si ad summi Numinis cultum, & æqui ac recti obseruationem, suo exemplo & liberos & ciues adiget? Talem olim inter gentiles Principes, Senatus populusque Romanus, Claudium Quintillum festiuis acclamationibus, Galieno interfecto, Imperatorem salutauit, *Auguste*, inquit, *Claudi, Dñ te nobis præsent.* *Claudi Auguste, Principem, qualis tu es, semper optauimus.* *Claudi Auguste, tu frater, tu pater, tu amicus, tu bonus Senator, tu denique verus Princeps.* Talem quoque nos inuidiâ Fatorum ereptum SIGISMVNDVM nostrum deploramus; & cum multas in eo regias virtutes deprædicamus, tum maximè illam, quæ veluti sol inter minores luces resplendebat, propriæque sibi regnum postulabat in regno, æquabilem omnibus iustitiam cum ipso extinctam dolemus. SIGISMVNDE REX, *Deus te nobis in-*



columen & longanum seruauisset; non eas interregni miseriae, non ciuium discordiam, non metum exterorum sentiremus: quae mala nunc passim, te sublato, experimur. REX SIGISMVNDE, tu optimus legum nostrarum moderator, tu bonorum omnium parens, tu fortunarum nostrarum auctor, tu libertatis propugnator, tu otij, quietis, salutisq; patronus fuisti. SIGISMVNDE, rerum nostrarum arbiter sanctissime, tu merita nostrum aqua lance vibrabas: tu honores, tu dignitates ex congruo dispensabas: tu aleam belli, tu casus, tu labores leniebas. Nunc uero deinceps quae nostra uita erit, amore, beneuolentia, sapientissimis consiliis, amantissimis congressibus, uultu, ore, oculis, consuetudine, sermoneq; tuo prudentissimo suauissimoq; sublato? Cum enim nullum aliud, praeter Poloniam, in Christianitate Regnum sit, quod Principem suum magis legibus circumscriptum, & assiduis laboribus adscriptum habeat: ut nimirum ipse quotidie subditorum suorum causas diiudicet, tribunalia perlustret, querelas excipiat, controuersias cognoscat, Regni pericula prouideat, Comitia & Senatum sua praesentia & sua maiestate honestet, sententias Consiliariorum examinet, honores distribuat, omnesque Magistratus, Iudices, ac Praefectos constituat, & in officio contineat; nec tenuiores propter imbecillitatem circumueniri, aut locupletiores inuidia opprimi patiatur: atque vno verbo, ne partem Reipub. sed totam ipsam Rempublicam auctoritate & vigilantia sua tueatur, & quaeque minima eius negotia per se potius quam per administratos tractet: quis non laudandum SIGISMVNDVM nostrum, atque vna dolen-

dolendum censebit, quod tam cito obierit? qui toto Regni sui tempore, tam in iudiciis, quam in Comitibus diligentissime praesidebat, pauperum causas patientissime audiebat, lites dirimebat, iustitiam non differebat, neque ullius meritorum aut conditionis rationem in decernendo habebat: sed, pro rei necessitate, modo ad seueritatem, modo se vertebat ad lenitatem, ut alios clementia alliceret & beneficiis, alios autem poenam perterrefaceret; Principatus non in alium finem conditos esse putans, quam ut vi sublata, quae omnia ad potentiores trahebat, ex naturae & rationis imperio agantur res humanae. Quare & litibus tollendis, aut saltem minuendis, veteres Imperatores, Aelium Hadrianum Iustinianumque Magnum, aemulatus, statuta Magni Ducatus Lituaniae, per illustrem virum Leonem Sapieham, Supremum tunc Prouinciae illius Cancellarium, correxerit: consuetudines Volhyniae emendauit: leges Comitiales publicauit: multasque ambiguas in aliis Regni Poloniae Prouinciis iuris quaestiones, partim definiuit, partim ius nouum ex usu publico constituit. Municipalia uero & consuetudinaria iura, quae in singulis paene urbibus tam Regalis quam Ducalis Prussiae variant, nec satis certa & in Curlandia aut Liuania habentur, ut ad Curiam, a Supremo Cancellario examinanda, suaeque auctoritate probanda, singuli transmitterent, prudenter sancit. Quoniam uero mos est nobis Sarmatis, constituendi rectores urbium vel prouinciarum in eam legem, ut non ante magistratu, quam uita decedant:



dant: eapropter in honoribus distribuendis, semper magnorum animorum delectum habebat, nec cooptabat in Senatum, aut ad Præfecturas mittebat, nisi homines fortitudine aut litteris notos, & qui publicæ prudentiæ fuere apti. Similiter & in conclavi solitus secum habere viros, quos non ad eò crebros ætas hæc protulit: quorum consilio sic publica & priuata gessit negotia, ut optimum Principem, ac diligentem POPVLORVM PASTOREM præ se ipse tulerit; docueritque se eum Regem esse, qui & domi Regnum legibus tenere, & foris armis tueri posset. Vices enim rerum & experientia regnandi, tantam solertiam capaci eius animo impresserant, ut nihil non viderit, nihil non perceperit, nihil non intellexerit; sed in vnaquaque re atque occasione, quid rerum, personarum, locorum aut temporum varietas postularet, ipse per se diiudicare sciuerit. Vnde si quid belli aut pacis tempore agendum erat, nihil iam ille nouum suspicabatur: si quid in publico aut priuato erat dicendum, id omne sapientiâ aspersum ex ipso audiebatur: ut non frustra principes Philosophorum, Plato & Aristoteles, prudentiam imperantium propriam esse dixerint, quod ea nimirum nemini mortalium, aut melius conueniat, aut citius contingat, quam iis qui summæ rerum in populis præsumunt, & vel nolentes quotidianâ earum tractatione, maximam experientiam acquirunt. Maximè, quibus magnus & à naturâ ipsâ ad honestatem conformatus animus inest, qui que nec asperitatibus terreri, nec vllâ utilitatis specie à recto & honesto auocari potest. Periclem

clem olim narrant Historiæ, ita semper rectum & immotum animi robur tenuisse, ut nihil putarit indignius futurum, quàm si aliquod fracti animi signum, mœroris causâ muliebri more edidisset. Nos SIGISMVNDVM nouimus eâ semper moderatione ac constantiâ fuisse, ut siue læta siue tristia nuntiarentur, nihil prorsus moueretur; sed quemcumque casum Deus aut fortuna inuexisset, hunc aptè & quietè ferret. Et alij certè Principes, si auiditate æris infames sunt, si nimio venationum studio amittunt Reipub. curam, aut libidinis exemplis inficiunt sæculum, vel inconsultis amicitiiis publicam inuidiam concitant, moniti ab amicis subito exardescunt; vel contrâ immodicis adulantium laudibus, ac suâ purpurâ occæcantur: cum omnes ferè Principes viros eo fato nasci videamus, ut aliquid saltem pennarum ad hunc viscum relinquunt. Noster attamen Rex, quamuis rectam semper in moribus & actione omni vitam vixerit, ex honesti normâ; nusquam tamen, vel monentium rationibus exasperabatur, si quando à Senatu in publicis reprehensus esset; vel violentâ adulationis procellâ inclinabatur, si ab Aulicâ peste priuatim obsessus fuisset; vel casu aliquo fractus animo vacillabat, si quid non ex voto successisset. Cum nihilominus commune generosis spiritibus videamus esse, quos præcipuè in bellis fortunæ fauor attollebat, aduersitate aliquâ deiici aut sollicitudine frangi: multosque sciamus, non è Græcorum tantum aut Romanorum scriptis, sed è nostris quoque gentilitiis Historiis,

E

mor-



mortem oppetiisse acerbitate animi, quòd nimium, post tot victorias ac triumphos, fuerint ad extremum ab hostibus suis profligati. Sic Boleslaum Chrobrium, anxietate animi, in languorem primum corporis, ac deinceps in morbum, ex quo & obiit, incidisse legimus; quòd solitus semper vincere, demum post quadragesimum septimum triumphum, ab Haliciensibus in Russiâ fuerit profligatus. Sic Boleslaum Crispum eius filium, post tot secunda praelia & victorias, à Prussis superatum, moerore animi contabuisse scimus. Sic Vladislaum Hermanum domi & foris continuo felicem, morbo & angore, ob discordiam filiorum cum Sececho, viro de se benè merito, confectum obseruarunt, qui in domesticis Historiis peregrini non sunt. Sic alios plures, tum veteres tum recentiores Heroas, atque inter eos Constantinum Ostrogium, Lituanæ militiæ Imperatorem, patrum nostrorum auo, post tres & triginta insignes de variis Poloniæ hostibus obtentas victorias, à barbarorum multitudine ad Socaliam acie fufum, breuì post vitam cum morte, ex animi angore, commutauisse, adnotatum est. Non facile namq; sublimis animus ignominiam sufferre potest, qui continuâ vsus prosperitate, putat eam sibi à fortunâ deberi, quæ assiduo rotatu suo cuncta ita permiscet & reuoluit, vt nihil firmum solidumq; in suo loco permaneat. SIGISMVNDVS verò noster, probè cognoscens inconstantis huius Deæ volubilitatem, ita constantis animi firmitate, quidquid illa aut casus offerret, omnia corrigebat, vt  
nulla

nulla vmquam in vultu eius consiliorum aut affectuum vestigia deprehenderentur: quodque in regnante potissimum, sciebat silere. Et cum tot victoriis, vt iam diximus, & triumphis illustris existeret, quot certè ne veterum quispiam Imperatorum, qui FAVENTIS FORTVNÆ in cubiculo suo auream statuam asseruabant, translata ad se, de more, post decessum alterius, numerare potuisset; non tamen perdiderat animi firmitatem, & robur illud innatum, cum exercitus suos in Moldaviâ semel, in Liuoniâ semel, inque Prussiâ semel, diuersis vicibus & annis inaudiuisset profligatos, semel in Valachiâ à barbaris cæsos; sed Socratico potius ore, risit hanc volubilem Martis aleam, rerumque sublunarium continuam rotationem: veram fortitudinem non in eo tantum consistere iudicans, vt quis assidue hostes suos vincere, res arduas præsentis animo aggredi, periculis se obiectare, & mortem non timere possit; sed vt sciret quoque humana contemnere, casus omnes despiciere, nulli homini, nulli fortunæ succumbere, & altiore denique animum habere, quàm vt obrui iis, qui in hac vitâ sunt, fluctibus queat. Vt itaque deinceps fortunam inclinantem, aut aliò tendentem prudentiâ corrigeret, ad exempla semper æui iam exacti omnia consilia, omnesque actiones suas componebat: etiam, cum arma gentilia ciuilibus tumultibus exsonuere. Iam verò quis nescit peius nocere qui intra viscera hærent, regijsque consiliis incubant, quàm qui ex aperto fiunt hostes? Omnia  
E 2



nia ast tamen ista, constanti ille pectore excepit, prudenti consilio sopiuit, & ex seditionis manibus, regiâ clementiâ, tela excussit. Clementiâ dico, quia hæc illa virtus est, quæ amabilem, quæ firmum, quæ illustrem Principem facit: hæc quæ lenit, quæ temperat eius imperium: hæc quæ noxios eripit, quæ lapsos erigit, quæ seruatum it eos ipsos qui se perdunt. Quapropter hîc prætereo, quâ mansuetudine SIGISMVNDVS noster, initio Regni sui, hærentes animis Polonorum discordiarum fibras euulserit, quâ humanitate ignouerit iis qui pro Austriaco arma contra se sumpserant, quâ dexteritate intestini tumultus fluctus composuerit; quia naturæ suæ bonitate, cum alia honesta omnia, tum concordiam imprimis & animorum consensionem amauit; intrinseca verò ciuium odia & dissensiones, semper capitales Reip. pestes iudicauit. Vnde sicut tum temporis, cum coronam sumpisset, ne cruenta essent regnandi auspicia, se omnibus, quidquid in eum diem deliquissent, remittere edixit: sic & ciuili belli tempore Rokossanis felicitatem suam, quam ab illo acceperant, non ferentibus, temporumque ac factorum crimen causantibus, postquam redierunt ad reuerentiam Maiestatis, turbarum excitatarum amnestiam ex facili dedit; & non modò abolenda odia curauit, sed & odiorum mentionem; sciens, pessimo loco esse, nisi quis pati iniurias ita possit, ut videatur non sensisse. Illasâ attamen Maiestate: cuius tuendæ, si quisquam alius nostrâ ætate Prin-

Princeps, tum SIGISMVNDVS noster studiosissimus fuit, & in gestu, cultu, aulæ pompâ, ministeriorum varietate ac copiâ, itemque satellitio Regem SIGISMVNDVM Augustum auunculum suum imitabatur. Quem ferunt, qui sub eo vixerunt, tria semper millia Nobilium in suo comitatu habuisse, seruorum ultra quindecim millia: sex prætereâ millia equorum generosissimorum, è diuersis mundi partibus conductorum, perpetuò in stabulo suo aluisse, præter innumerabiles greges, sobolis propagandæ gratiâ asseruatos, & curribus atque impedimentis trahendis tot delectas quadrigas. In omnibus inquam his (etsi numero paulò minore) SIGISMVNDVS noster splendidus fuerat semper, quod ex magnificentiâ Regum de viribus & opulentiâ regionis exteri soleant iudicare; ita tamen ne ære alieno indigeret, ad quotidianos Regiæ sumptus, quod priscis Regibus nostris sæpissimè acciderat. Atque hinc factum, quòd illi frequentissimè opes proprias ciues sui donabant, ubi illas non ex prodigæ mentis morbo, sed efflagitantibus patriæ rebus exposcere animaduertissent; & non cohortes modò, integrasq; legiones militum, tempore belli alicuius vltro offerebant, sed & villas, arces, possessiones, aurum, argentum atque gemmas pretiosas præsentabant, æris verò signati, interdum ad trecenta millia florenorum vnus: maximè de Sacerdotum coetu, & qui infulas gestabant. Et quamquam porrò ad publicam pacem est, ne ciuium in se fidem Princeps immodicis



vectigalibus laceſſat; contribuebant tamen quoties opus fuerat libentiſſimè, & abſque vllò ſeditionis tumultu, probè ſcientes bella non minùs auro quàm ferro geri ſolere: præſertim, cum illa non ad libitum Regis, aut eius Conſiliariorum, apud nos gerantur; ſed ad deſenſionem patriæ tantum, & conſeruationem Catholicæ Religionis: idque omnium Ordinum Regni aſſenſu. Cum autem in alto poſitum non alta ſapere, & fortunæ indulgentiâ ac liberalitate non abuti perquam difficile ſit; SIGISMVNDVS noſter eò maiorem modeſtiæ laudem meretur, quòd in ſummo faſtigio poſitus, & omnibus ad tuendam regiam dignitatem neceſſariis ſufficientiſſimè inſtructus, totq; prætereà rebus domi & foris proſperè geſtis illuſtris, nihil ad faſtum, nihil ad ſuperbiam, ſed omnia ad decus, ad honorem, ad gloriam, ſummâ prudentiâ, ac conſtanti moderatione referret, eſſetq; accèſſu facilis, alloquio blâdus, aſpectu amabilis, ſermone comis: & qui liberi populi ſe Regem eſſe ſciens, liberâ Senatus ſententias, interdum etiam in ſe dictas, patienter ferebat, legatorum municipalium expoſtulationes modeſtiſſimè audiebat, ſupplicantium libellos libentiſſimè excipiebat, & ſiue concedendo, ſiue negando, neminem à ſe tristem dimittebat. Erat autē ipſe forme adeò ſingularis, & egregiæ corporis proceritatis, vt, veluti laudatus ille Germanicus, viſu & auditu iuxta venerabilis eſſet. Quam hercle venerationem augebat adhuc abductio & ſeceſſus (quia viles plerumque illi, qui nimium

cui-

ciuiles) tum ipſa ſenectus, & morum compoſitorum grauitas, ac præter regium aſſuetumque Imperio nomen, vultus excelsi animi index, & ſuo faſtigio digna Maieſtas; vt ſæpiſſimè non barbarorum tantum Principum legati, ſed Chriſtianorum etiam Regum oratores aſpectu ipſo perterriti obmuteſcerent, ſuamque legationem in aliud tempus differri rogarent, quoad ſeſe recolligerent. Quos ille deinde aſſatu ſuo & regiâ liberalitate recreabat. Liberalitate dico, quâ nihil eſt naturæ hominis accommodatius, & quâ ille in tantum in ſe omnium beneuolentiam prouocabat, vt non modò in legatos externorum, ſed in Reges quoque ipſos munificus eſſet. Ciues verò ſuos, non tamquam ſubditos tractare ſolebat, ſed tamquam amicos & membra Regni omnes æqualiter amplectebatur; omnibus ſe partiebatur, etiam vilioribus, vt communis videretur omnium parens eſſe. Nec ſcio ſanè quemquam ex Proceribus noſtris reperiri, qui illius beneficiâ & opes ſuas & dignitatem non auxerit: pluri mi verò ex obſcuro ad inſolitam claritudinem deuenerint, ſuffecti quaſi in loca eorum, quorum familiæ, vt in mundo nihil æternum eſt, illo regnante fatalem ſuam periodum peregerunt; vt poſt conditum Sarmatiæ Imperium non fuerit Rex SIGISMVNDVS noſtro munificentior, liberalior, & qui plures è ſordibus in lucem protulerit, qui magis fauerit virtuti. Iam autem pietatis & religionis in Deum quàm luculenta toto vitæ ſuæ tempore teſtimonia dederit, vel hinc colligere

re



re facile, quòd puer adhuc, & vix tum octennis, impropertantibus per iocum aulicis, quòd in religione matrem feminam, rerum diuinarum ignaram, potius imitaretur, quàm patrem virum iudicio grauem, & peritum reformatæ religionis, non tantum piè sed & prudenter responderit, se credere velle cum auunculo Rege Poloniae, qui Pontificem Romanum religionis Christianæ caput sectaretur, non cum patre, qui nouitiam religionem suscepit, minimè probatam Principibus Christianis & Pontifici Summo. Quare ad Regni gubernacula admotus, præcipuam semper in eâ re curam adhibendam censuit, vt sacris antiquus honos, cultusque debitus religioni deferretur: & vt primùm cum viris Ecclesiasticis, solidioris pacis consilia iniit, statim post Comitum coronationis incensis studiis contendit, hæreticos ad veram religionem, schismaticos ad vnitatem Ecclesiæ reuocare: expertus sub patre in Sueciâ, peruicacissima ciuium odia esse, quæ ex diuersarum religionum litibus feruent. Cumque sciret plus illos corrigi blanditiis, exemploque & sobriâ dissertatione, quàm professio semperque mutuo fastidio posse; post celebratas eam ob causam aliquoties Antistitum synodos, decreuit, cetera in eos mansuetus, nequaquam Reip. munera inter eos, sed inter Catholicos tantummodò viros diuidere: Societatis verò IESV Collegia, aliorumque Religiosorum virorum Cœnobia, locis magis opportunis per Poloniam erigere: vt, qui à veræ religionis

nis septis aberrabant, partim doctrinâ illorum ac vitæ sanctitate, partim politicâ ignominia & verecundiâ, ad gremium Ecclesiæ reuocarentur, ne videlicet tamquam impij à reliquis conciuibus, priuatione honorum discriminarentur. Nullâ enim aliâ ratione facilius vincuntur, qui cælo, argumentis, veterumque præceptis, vnam pertinaciam anteponunt, adhærentque Luthero seu Caluino, quàm honorum aditu, & spe regiorum munerum cautè præclusâ: qui si malo pudore prohiberentur suam sectam eiurare, saltem liberis suis consulerent, magistrisque eos traderent, per quos erudirentur ex veteri more in pietate Catholica, viuerentque deinceps in regiâ gratiosi. Quo ædepol prudenti instituto effectum est, vt PISSIMO Principe nostro SIGISMVNDO regnante, vltra ducenta diuersorum Religiosorum Cœnobia à fundamentis sint erecta: plura quàm triginta Societatis IESV Collegia, pro erudiendâ iuuentute instituta, duæque de nouo Academiae apertæ, Zamosciensis & Posnaniensis: plurimæ sacra Monachorum atque Monialium coloniae in Poloniam deductæ; Camaldulensium videlicet Eremitarum, Carmelitarum Discalceatorum, Bonfratellorum ægrotorum curam habentium, Recollectorum Franciscanorum, id est, ad veterem ac primæuam disciplinam nostrâ ætate reuocatorum Minorum de Obseruantia, aliorumque plurimorum Religiosorum virorum, atque Virginum; tum Confraternitatum secularium hominum, diuersorum institutorum, pristin-



no Ecclesiæ rigore ac disciplinâ: templa vel ab hæreticis olim profanata, vel incuriâ Catholicorum, & vetustate ipsâ collapsa, passim per totum regnum instaurata, & nouis foundationibus ditata: Clerique moribus ad præscripta Concil. Trident. reformatis, infinitæ animæ Christo lucratae sunt; & vix quispiam ex Magnatibus reperitur, qui hæreseos labe contaminatus sit, in dignitatibus verò Reip. omnino nullus. Quinimò plurimi Sancti viri, qui sub eo vixerunt, miraculis & vitâ exemplari, tempora illius illustrarunt. Beatus nimirum Stanislaus Kostka, Soc. IESV, qui occubuit & quiescit Romæ: B. Ioannes Duclensis ex Ordine Minorum de Obseruantia, Leopoli in Russiâ: B. Ioannes Lublinensis Carmelita Discalceatus, Genuæ in Liguriâ: B. Ioannes, Parochus Bogucicensis, apud Rauam in Masouia: B. Iosaphat Archiepiscopus Polocensis in Ecclesiâ suâ, in Albâ Russiâ: Beata Hedwigis Cantia, Romæ in templo S. Stanislai: alique plurimi, sanctimoniâ & innocentia vitæ, atque doctrinâ saluari conspicui, vt Ioannes Laterna, Benedictus Herbertus, Iacobus Vuiecius, Petrus Scarga, Stanislaus Varfeuicius, Ioannes Miescouius, Melchior Moscicensis, Bartholomæus Bontcouius, Simon Halicius, Rochus Posnaniensis, ex Theologis: & ex iis qui Sacerdotij infulas ex virtute gestauerant, Stanislaus Carncouius, Demetrius Solicouius, Hieronymus Rozraseuius, Mathias Pstroconcius, Paulus Volucius, Simon Rudnicius, Petrus Tylicius, & Ioannes Trebnicius. Ex

pur-

purpuratis demum, Georgius Radiuillus, & Bernardus Macieiouius: quorum vterque ob probitatem vitæ, & candorem animi, eò Sacerdotij processerat, vt vix quidquam posset addi fastigio. Possem & alios infinitos referre, quorum pietatem insignem in Deum, & zelum in religionem Catholicam, nulla vitiorum tempestas libauit, inter quos eminet Sophia Tomicij, nullo alio cibo aut potu per annos aliquot viuere solita, nisi solâ Corporis Christi in Eucharistiâ sumptione Sabbatinâ: tum Ioannes Zauissa vitæ Eremiticæ deditus, nec alio victitare per multos annos assuetus, præterquam paruis pisciculis, quos ipse in torrente cepisset: & Georgius demum Comes Conopatius, Stoæ Christianæ Philosophus, qui per annos triginta & amplius, sub Christi Crucifixi imagine, in capulo, cui mortuus includi debuerat, nudus dormire, quid dormire? imò insomnes noctes traducere solitus, continuâ mortis meditatione animum pascens. Sed ad ipsum SIGISMVNDVM iam propero: qui auitam SIGISMVNDI Primi pietatem æmulatus, singulis diebus sacrum Missæ sacrificium deuotissimè audiebat, singulis diebus festis publicè sacris & concioni intererat: in omnibus Deiparæ & Apostolorum profestis, priuatim, die verò Parasceues, cum toto Senatu, qui tum illi præsens adesset, palàm in templo maiori sacram Synaxim incredibili pietate sumebat; dieque CORPORIS CHRISTI quotannis semper solemni supplicationi per urbem aderat, capite aperto incedens, & manu tædam religiosissimè



mè gerens. Nosse enim ante omnia summum illud Numen, quatenus homini per Ecclesiam datum, & cognitum piè pureque venerari, hoc demum summam pietatem esse existimabat. Hinc quoque & loca sacra, vbi illud peculiari religione coleretur, deuotissimè visitabat: præcipuè Diuam Claromontanam (vulgò Czenstochouiam dicunt oppidum templo D. VIRGINIS celebre, quod illic multæ religionis est) & S. SIGISMVNDVM, Plociæ; cuius caput auro inclusum gemmis inæstimabilibus exornauit. Tum & aliorum Sanctorum cum Deo regnantium templa & Reliquias pretiosissimis donariis veneratus est. Et Gnesnensi quidem Ecclesiæ, pro asseruandis D. ADALBERTI cineribus, tumbam argenteam dedit. Vilnensi verò, vbi S. CASIMIRVS, auus eius maternus, corpore incorrupto quiescit, trium millium librarum capulum argenteum, duploque maioris pretij altare eiusdem metalli, tum campanam miræ magnitudinis, exquisitissimique marmoris capellam extruxit: sicut & basilicam, sub eiusdem titulo ac patrocinio, in medio vrbs foro; simili planè formâ, quâ & Principibus Apostolorum PETRO & PAULO, Cracouiæ in viâ castrensi erexit. Multaque prætereà passim per Regni prouincias, sacris Cælitum pignoribus templa illustria fieri iussit, donariis ditauit; & honorem eorum apud Sedem Apostolicam, quò fastis Beatorum adscriberentur, diligentissimè procurauit. Speciatim verò Sancti Hyacinthi apotheosim pompâ atque apparatu incredibili adornauit, vt vel Constanti-

nos,

nos, Theodosios, Iustinianos, Heraclios, Ludouicos, aliosque Sanctos Reges ac Imperatores, quos tantopere laudat ac miratur antiquitas, superare hac in parte videatur. Sed & hæc, & alia plurima, quæ scripta sunt in libro vitæ, sciens prudensque prætereo. Præterire verò non possum, quantâ cum testificatione pietatis Christianæ, ex hoc rerum turbine, ad quietem perpetuam migrauerit, vitamque tam sanctè ac laudabiliter actam, non minùs sancto ac laudabili fine concluderet. Qui cum sibi ex hac vitâ abeundum esse sentiret, omni curâ id egit, vt cogitatione in cælum defixâ, terreni Regni fastigia deponeret; & ex ritu Ecclesiæ Catholice Sacramentis expiatus, meliorem coronam adipisceretur in cælis. Corpus enim è terrâ concretum, tam diu terrestrium rerum amore ducitur, quoad in terram ipsam, vnde ortum duxit, reuertatur: animus verò qui è cælo sumptus est, sempiternum quiddam & cæleste appetit, nec iisdem quibus corpus finibus cogitationes coercet suas. Condocefactus itaque rerum mutabilitate Rex PISSIMVS ea totâ vitâ appetere, quæ morienti forent appetenda, nihil morte exterritus est, dum vitam hanc sibi deferendam videret. Sed in diuinâ bonitate ac misericordiâ omnem spem reponens, & ad illam æternam, bonisq; omnibus & iustis promissam vitam, toto pectore anhelans, Filiis primùm suis charissimis ac Regno benè precatus est: deinde omnem promiscuam multitudinem, portis apertis, ad manus oscula admitti iussit. Atque ita cunetis placidissimè

F 3

vale-



valedicens, spiritum illum ingentem, robustum, post crebras animi verè Christiani significationes, cælo, vnde venerat, reddidit. O Kalendas Apriles atro lapillo notandas, quibus tanto Principe orbati ac destituti sumus! O nuntium acerbum, cuius querulâ voce, tam sancti Regis, tamque Pij Patriæ Patris obitum Poloni accepimus! O miseram humanæ vitæ conditionem, quâ tam incomparabilem cladem, tam calamitosam iacturam Sarmatæ subijimus! Cuius enim quotidie integritatem & candorem conspiciebamus, sapientiam experiebamur, liberalitatem sentiebamus, & à quo ad religionem, ad mansuetudinem, ad honestatem instituebamur, eum nunc extinctum videmus. Quid igitur aliud agere possumus, quàm vt lugeamus, vt modis omnibus testemur dolorem nostrum, & quod vitæ reliquum est, in mœrore ac lacrymis transigamus? Amisimus enim inter bonos Principes Optimum, inter pios Reges Sanctissimum, inter fortes & bellicosos Felicissimum & Maximum, inter egregios & prudentes Sapientissimum & Clementissimum, inter beneficos & liberales Munificentissimum, & quietis publicæ amantissimum, qualemque Sarmatæ semper priuatim & publicè desideraturi sumus. Si itaque Romani olim ex impiis & infidelibus Principibus suis Antoninum Imperatorem, eò quòd subiectos sibi populos diligentissimè rexit, PIVM in vitâ, DIVVM verò ab obitu, Senatus decreto appellauere: cur nos SIGISMVNDVM nostrum, totâ suâ vitâ, Christianâ pietate illustrem,

lustrem, vel post funera PISSIMUM non appellabimus? cur diuina assiduè contemplantem, Diuisque, pro tantis suis meritis, vt piè credimus, associatum, posteris in exemplum non prædicabimus? Cur non extollemus ipsius clementiam, ingenium, Sanctimoniam, religionem? Cur non prosequemur laudibus mirabilem in omni actione ipsius modestiam, in moribus grauitatem, in gubernando prudentiam, in præcipiendo æquitatem, in exsequendo sapientiam, splendorem in publicis, atque in priuatis moderationem? Cur non commendabimus monumentis, æternitati, singularem pietatem ipsius erga Deum, Diuos, templa, beneficentiam verò & liberalitatem incomparabilem erga omnes, tam subditos quàm extraneos? Idem medius fidius Romani, Ælio Pertinace occiso, à Præfecto Prætorij Læto, cum sex mensibus tantum imperasset, ingentes doloris sui significationes ediderunt optimo Principe orbati, adeò vt in foro à populo vniuerso acclamatum esset: *Pertinace imperante securi viximus, neminem timuimus, Patre pio, Patre Senatus, Patre omnium bonorum.* Nos quadraginta quatuor annis, & ampliùs, à SIGISMVNDO REGE prudentissimè felicissimeque gubernati, quid aliud dicere debemus, illo nunc intempestiuè sublato, nisi idem quod & Romani? SIGISMVNDO regnante feliciter viximus, nullum vicinum Principem timuimus, omnium insurgentium in nos potentiam fregimus, omnes circumquaque hostes deuicimus patriam defendimus, & eius existima-



tionem seruauimus: PATREM non Regem, PATRONVM non Dominum habuimus; illoque pro publicâ dignitate excubante, hætenus non sospites modò sed & florentes fuimus. Quare etiam defunctum nunc vti Patrem & amicum ploramus; inque felicitatis parte numeramus, si vel minimam guttam lacrymarum nostrarum illius cineribus superfundere possimus, qui Patriam nostram legibus, opibus, ædificiis, humanitate, elegantia & gloria, longè florentiorem quàm acceperat reliquit: iustitiæ verò, sapientiæ, atque constantiæ famâ, quæ propriæ regiæ sunt virtutes, nemini etiam veterum concessit. Quemadmodum igitur Metellus quondam Numidicus, mortuo Scipione, filiis suis iam tum amplissimis in Repub. honoribus præditis, dixerat, cohortans ipsos vt defuncti corpus humeris subjicerent & sufferrent: *Ite filij, celebrate exequias, nusquam enim ciuis maioris funus videbitis.* Sic ego, ô Poloni mei, simile quid dicere possum vobis; qui cum Serenissimis Principibus vestris, tantâ deuotione, tam pio adfectu, tam religioso cultu, iusta desideratissimo Regi vestro peragitis, incerti num parem obsequij funebris pietatem vñquam aliàs sitis impensuri: Ite bellicosi Sarmatæ, irrigate lacrymis tumbam potentissimi Regis vestri: qui bello clarus, pace iustus, consilio grauis, animo semper inuictus extitit. Plorate, fortissimi Equites, obitum victoriosissimi Imperatoris vestri, qui omnium Regum, Principum, populorum, nationumque ora solus in se conuert-

rat.

rat. Efferte humeris vestris, Proceres Illustrissimi, cadauer, numquam satis laudandi, numquam satis lugendi Principis vestri, qui magnificentia, bonitate & religione suâ cuncta plena & referta apud vos reliquit. Vosque quotquot estis ciues & incolæ Regni Polonia, deductum ad rogam Regem vestrum, cuius operâ floret ingenijs, valet opibus, pace ac otio fruitur, legibusque optimis viuit Sarmatia vestra, pijs suspirijs & recollectione æternum ita prosequimini, vt non vno mausoleo SIGISMVNDVS vester inclusus esse videatur; neque vno tumulto iaceat, sed omnium quibus profuit pectoribus oculisque tumuletur, omniumque apprecationibus & votis factus DI-  
VVS, in cælis gloria sempiternâ perfruatur.

D I X I.





# A P P R O B A T I O.

**O** Ratio hac in obitum SIGISMVNDI III. Magni  
Polonia & Suecia Regis publicam meretur lucem;  
ut illius Prudentia verè Regia, & Pietas verè Chri-  
stiana, uniuerso Orbi innotescant.


Gaspar Estrix Plebanus  
Antuerpiensis & libro-  
rum Cenfor.


















Dist. Polon  
b. area



